

## Ո Ր Ո Շ ՈՒ Մ

/Վարչական վարույթը երկարաձգելու մասին/

«30» հունվարի 2024թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, ուսումնասիրելով Իրանի Իսլամական Հանրապետության քաղաքացի Ալիոեզա Սաբերի (անձնագիր՝ P55832791) կողմից մաքսային կանոնների խախտում կատարելու վերաբերյալ նյութերը,

### Պ Ա Ր Զ Ե Ց Ի

2023 թվականի դեկտեմբերի 04-ին ԻԻՀ քաղաքացի Ալիոեզա Սաբերին իր կողմից շահագործվող 40AA196 պետհամարանիշի բեռնատարով մուտք է գործել ՀՀ:

ՀՄՎ Մեղրիի մաքսային կետ-բաժնի աշխատակցի՝ մաքսային հսկողությունից թաքցված ապրանք ունենալու մասին բանավոր հարցմանն ի պատասխան քաղաքացի Ալիոեզա Սաբերին պատասխանել է ոչ, սակայն զննման արդյունքում բեռնատարի կիսակցորդիչի անձնական օգտագործման կողային խցիկի հատակին որպես քողարկիչ օգտագործվող սովարաթղթե արկղերի տակից հայտնաբերվել է մաքսային հսկողությունից թաքցված 150 տուփ «PRESTON PEARLS» և 40 տուփ «PRESTON NANO CIGARETTES» անվանումներով ծխախոտներ:

Փաստի առթիվ 04.12.2023 թվականին ՀՀ ՊԵԿ ՀՄՎ Մեղրիի մաքսային կետ-բաժնի 2-րդ բաժանմունքի մաքսային տեսուչի կողմից ԻԻՀ քաղաքացի Ալիոեզա Սաբերիի նկատմամբ «Մաքսային կարգավորման մասին» ՀՀ օրենքի 313-րդ հոդվածի հատկանիշներով հարուցվել է վարչական վարույթ, այն է՝ «Հայաստանի Հանրապետության պետական սահմանով մաքսային հսկողության ներքո գտնվող ապրանքների տեղափոխումը՝ մաքսային հսկողությունից թաքցնելով՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով»:

ԻԻՀ քաղաքացի Ալիոեզա Սաբերիի նկատմամբ «Մաքսային կարգավորման մասին» ՀՀ օրենքի 313-րդ հոդվածի հատկանիշներով հարուցված վարչական վարույթի շրջանակներում ապրանքների շուկայական արժեքները որոշելու համար 07.12.2023 թվականին նշանակվել է

«Ապրանքագիտական համալիր փորձաքննություն», որի կատարումը հանձնարարվել է ՀՀ ԳԱԱ «Փորձաքննությունների ազգային բյուրո» ՊՈԱԿ-ի փորձագետներին:

Նկատի ունենալով, որ «Վարչական իրավախախտումների վերաբերյալ» ՀՀ օրենքի 37-րդ հոդվածի համաձայն՝ մաքսային կանոնների խախտման վերաբերյալ գործերով վարչական տույժը կարող է նշանակվել իրավախախտումը հայտնաբերվելու օրվանից երկու ամսվա ընթացքում և հաշվի առնելով, որ փորձագետի կողմից դեռևս չի տրվել փորձագիտական եզրակացություն և դրա համար անհրաժեշտ է ավելի երկար ժամկետ, քան վարչական վարույթի համար օրենքով սահմանված ժամկետի ավարտը, ուստի, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 47-րդ հոդվածի 1-ին մասի բ) ենթակետով և 4-րդ մասով.

### Ո Ր Ո Շ Ե Ց Ի

1. Իրանի Իսլամական Հանրապետության քաղաքացի Ալիոեզա Սաբերիի վերաբերյալ վարչական վարույթի ժամկետը երկարաձգել՝ մինչև փորձագիտական եզրակացություն ստանալը:
2. Որոշման մասին հայտնել քաղաքացի Ալիոեզա Սաբերիին:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՄԾ ԳՆԴԱՊԵՏ



ԱՐՏԱՇԵՍ ՂԱՄԲԱՐՅԱՆ